

中國歷代畫史匯編

中國歷代畫史匯編
(12)

清代畫史增編卷三十四

黃山黃樸存先生閱

武原盛 鑄叔清輯

陸良弼字嘯霞錢塘人性聰穎花卉得前人法詩古文詞落筆輒工同上

陸飛字起潛號筱飲仁和人乾隆乙酉舉省試第一山水雜卉人物俱超逸不羣又善畫竹山水用墨濕厚極似仲圭又工行楷能詩熙朝雅頌集 墨香居畫識

陸聘嘉飛子亦工花卉墨林今話

陸泰臨字賡起號耕溪元和人善畫耕硯田齋筆記

陸稹字元功長洲人善畫同上

陸南培字天池上海人工山水海上墨林

陸恭字孟莊號謹庭吳縣人乾隆時孝廉點染花卉讀書嗜古精鑒賞收藏

古帖名畫極多嘉慶年卒年六十耕硯田齋筆記

陸開豐字一泉號蓮塘餘姚人占籍順天嘉慶癸酉孝廉墨蘭室谷生芳有文氏遺風題句書法均佳乾隆癸卯生道光丙戌卒年三十有四同上

陸樹堂號養鶴居士雲南昆明明經風竹有韻行草學淳化閣帖昆明縣志

陸鳴臯字士湄號鶴亭錢塘諸生善圖畫尤長山水精書法兩浙名畫記

陸烜字子章號梅谷又號巢雪平湖人作畫超潔工詩有梅谷集同上

陸鳴謙字南村海鹽人善山水同上

陸鍾秀字嘯樓上海人嘉慶三年舉人績學工詩精六法海上墨林

陸靖字思幾號樓霞小隱又號鳳凰山人善水墨人物佛像畵硯田齋筆記

陸肇基字琴川蕭山人工山水人物螭隱園書畫雜綴

陸坦字周行松江人善山水圖繪寶鑑續纂

陸繡林號神仙長於詩畫黃新詩

陸士奎字鳳翔常熟人工人物耕硯田齋筆記

陸焜字復華號吟竹太倉人國子生善蘭竹工篆刻書宗吳興究心歧黃有

吟竹齋詩草婁水琴人集

陸鴻字儀吉號雪舟太倉人工寫生同上

陸龍騰字雲棲巢縣明經書畫詩文皆有聲著柳沙于吟雲樓集巢縣志

陸玉書字燄田六合人乾隆甲寅舉人寫蘭竹能出新意其自題畫竹云多少

青雲皆後輩一齊低首拜清風 墨林今話

陸元珪字瑤圃青浦人廉訪少子居邑之朱家角精鑒古工詩詞篆刻喜寫蘭蕙師衡山意氣豪邁座客常滿著有泖湖漁唱集同上

陸學欽字敦書號子若又號蘊真太倉人嘉慶庚申舉孝廉工詩古文詩學唐人文學柳州書由晉人而參以唐宋山水宗婁東古雋幽逸又精篆刻圍棋撥弦諸技著有蘊真居集六卷 研硯田齋筆記 墨林今話

陸壽昌字鳬岡常州人進士博通經史善古文辭兼畫山水 清朝書畫錄

陸鏞字麗生壽昌子工詩文亦精繪事花鳥尤勝 同上

陸捐之字東蘿長州人畫蘭學文衡翁亦精楷法工六朝文 墨林今話

陸增字秋山平湖之華亭鄉人藏有姜白石玉壺冰琴又號壺冰道人工詩詞善畫山水筆極蒼老不多作也曾遊荆楚閩越諸勝地得江山之助著有鳴船吟草綠蕉詞鸚鵡湖權歌 同上

陸鳳鈞字秋生錢塘人壬午舉人工花卉尤以牡丹著名喜填詞亦入南宋人室 同上

陸培南字扶九上海人善山水工臨古海上墨林

陸 遠字靜致工山水 歷代畫史彙傳附錄

陸 起善畫 同上

陸奎煥善畫人物得陳洪綬法 同上

陸志煜字爾瑩工山水 同上

陸 銘字又新上海人家閔行能詩工傳神形貌酷肖畫墨龍及棧道圖尤爲世所珍重 海上墨林

陸費墀字丹叔一字磴士號頤齋晚號吳涇灌叟桐鄉人官至侍郎自幼卽寄興丹青究心篆刻深八古人之室有頤齋賦稿枝蔭閣詩文集廣印人傳

陸 沉字稚松蘇州人以丞椽仕浙工書畫書學李子仙山水在香光南田間一無俗韻 談藝錄

陸應祥字靜濤嘉善楓涇鎮人畫山水宗四王晚歲雙目失明繪事遂廢 海上墨林

陸增鈺字漁莊平湖人善山水與戴以恒友善故其畫法近戴氏 同上

陸 恢字廉夫號狷齋吳江人工書畫爲吳窓齋所賞應吳聘入湘撫幕復從軍出關飽覽南北山川奇幻山水不拘一格自宋元以至婁東諸家無不規

仿蒼秀渾厚爲婁江的傳後歷主吳興龐氏武進盛氏爲之鑒定古蹟于是所見益多而其藝益臻神化矣書工漢隸旁參魏晉六朝遒勁沈著具金石氣庚申九月卒年七十餘海上墨林增錄

陸源字鬬雲蘇州人諸生喜吟詠畫山水純用濕筆橫點疊作尖峯蒼秀之氣撲人眉宇蓋師朱津里法也談藝環錄

陸錫康字壽門號受萌吳縣人以郡丞升知府工書善畫花卉翎毛皆極生動之致同上

陸同元字竹侯歸安人以明經授海鹽訓導能書兼工墨竹 同上
女史

陸氏號易遷又號宮中仙史上元人指揮徐大年室善圖畫精於琴 圖繪寶鑑續纂

陸小蘭仁和人聘嘉女善寫生西冷閨詠

陸琳字新如號采如女史太倉人雲錦女唐逸夫室鈎勒花鳥點染纖妍耕硯田齋筆記 墨林今話

陸苟娟昭文人沅女善細竹文石清勁可喜得家法又好畫金絲荷亦有致幼

字趙氏子不端未嫁而縊里人吳立峯爲之立傳季上圩輓詩有成竹胸中
惟一死倡隨空羨管夫人之句時咸傷之 墨林今話

陸錫貞字若筠平湖人雪巒女錢天樹前室好詩工畫嘗與天樹日夕討究并
于古人妙蹟展覽評賞後見閻秀高晚香折技畫筵遂摹之筆意生動由是
悉心於畫臨徐崇嗣丁香花小幀見者咸歎賞結褵甫三載遽卒年二十二
墨林今話

陸惠字璞卿上海人適吳江張澹爲繼室工詩詞善畫花卉學南田南沙兩
家不落窠臼可與古人抗衡澹家貧傭書滬上惠則設帳課徒以佐家食題
畫詩詞名曰麴香畫錄卒年六十八 海上墨林

陸畹蘭上海毛樹澂室從海昌羊文森女士學畫並受業于華亭胡公壽畫山
水蘭竹饒有韻致 同上

陸慶瀚字蘋華號畹君上海毛春孫室善繪事 同上

祝昌字山嘲廣德人

圖繪寶鑑續纂
纂作舒城人

居新安又客漢上性孤介遇不以禮雖餅

金不售山水學漸江後學元季諸家畫多逸致 圖繪寶鑑續纂 畫徵錄

祝筠字松如海昌人寫照得謝彬三昧 圖繪寶鑑續纂

祝 新字儀文海昌人隱西湖工寫照善山水動筆新奇同上

祝 芑字明貽號嘯帽常熟人寫射獵圖豆人寸馬具有生趣 虞山畫志

祝 嘉字明甫秀水人乾隆庚辰孝廉畫梅橫斜偏反各極自然著西澗詩鈔

兩浙名畫記 墨香居畫識

祝志裘字仲冶海寧州諸生山水倣文沈白描法丁雲鵬詩文雋正能鼓琴度

曲同上

祝升恒字二如嘉興人善畫 畫林新詠

祝 昭字亮臣當塗人工畫書善八分彈琴鐫刻莫不精絕 太平府志

祝有琳原名震字靖叔號玉生又號吟廬海甯增生詩詞書畫皆有聲譽尤工

鐵筆挾纒走四方卒不偶年甫強仕佗係以歿 廣印人傳

祝鳳翥字聽桐吳縣人工花卉人物兼長篆刻並精琴學 海上墨林

祝萬壽字樵雲嘉興武生阮文達放浙江學政按臨嘉郡樵雲報名試古學賦

筆超逸首擢之兼善畫梅嘉興道院中壁上墨梅是其筆也今已無存矣 談

藝環錄

女 史

祝 穎字蘭谷嘉興馮某室擅寫花卉談藝環錄

穆 僖有松石長春松亭雲岫等圖曾蒙高宗睿題畫徵續錄唐岱傳

穆 倩字楚帆直隸天津人善畫花卉兼工翎毛草蟲師法甌香得其風趣清

朝書畫錄

穆 仲字雪舟秀水人工寫生喜仿翁小海幾可亂真吳牧騶觀察見而善之
延至家課其子孚恩談藝環錄

濮 璜字成章嘉興人寫生名藝畫徵錄

濮 士銓字小山江都人善寫梅工隸書萍踪閒記

郁 倩字儀巨華亭人善花卉圖繪寶鑑續纂

郁 榕字蔭城號葯農嘉興人蘭竹有揮灑自得之趣墨香居畫識

郁 維垣字邦藩號鶴汀榕族昆季太學生蘭竹以蕭疎爲能書法蘇長公同上

郁 文名字雷門吳江諸生善畫花鳥山水亦工家貧甚不肯以畫市遇友所善

欣然揮灑江震績志稿

郁 懷智字屏翰號素癡上海人嗜文學能詩善書書宗顏米又長壁窠大字偶
作山水摹仿雲林天性樸實熱心公益創設學校多至數十處宣統辛亥後

七年卒年六十六邑人私諡曰敦惠有素癡老人遺集行世海上墨林

卜舜年字孟碩吳江人工畫見賞於董思白陳眉公年三十有二臨歿之歲人有乞其書畫者但題曰泥無身著有雲芝集畊齋硯田筆記 畫徵錄顯樵

傳

卜兆璜字熊飛號渭臣宜興人國子生光緒初年挾藝游無錫厲西門升高氏花園數年始去入賞爲浙江補用巡檢工花卉 清朝書畫錄

谷士桓吳人鈕樞弟子能傳其業 吳門補乘

谷士芳士桓弟藝與兄同 同上

女 史

谷蘭芳自淮陰徙休甯小字笑兒畫蘭師丁雲鵬得管夫人筆意 圖繪寶鑑續纂

濮陽誠身字應侯高淳人工羅漢 高淳縣志

岳高原名載高號雨軒歸安人世業醫工篆刻規摹秦漢偶亦作畫有雨軒小

稿 廣印人傳

女 史

岳綠春吳蘭雪侍姬善畫蘭 西冷閨詠

岳瘦峯字人梅無錫人康熙丁酉武舉人超妹早歲工詩書善寫生以許字不軌子終身不嫁依淨室以終 清朝書畫錄

吉 福字穀少滿洲人國子生山水倣雲林工詩 熙朝雅頌集

道家

吉 潮字亮初號星槎長洲人住北郭道院一鶴堂初從伊大麓學畫山水愛寫棧道雪山等圖後宗畊煙墨井兩家氣韻秀古索者甚衆然不苟點染時益慕之亦能詩 墨香居畫識 墨林今畫

實 珍佚其姓字伯庭常熟道士善墨蘭精圖章工書法有潔癖 虞山叢志
畢懷圖字花江揚州人乾隆丁卯孝廉歷任績溪安福知縣善畫梅工詩及書 墨香居畫識

畢 灝字澗飛號竹癡太倉人兄沅博綜金石酷嗜書畫灝亦如兄所好凡遇翰墨精粹不惜重價購藏工山水及竹蒼渾而秀深得曹雲西古法工詩同上

畢大椿字澗雲號松友婁之楓涇人工山水供奉內廷高宗萬壽以畫進呈設

色山水布置章法並成壽字蒙恩嘉賞收貯石渠寶笈復蒙御題詩句大椿刊石以紀恩至癸丑歸里省親得疾端坐而逝同上

畢 涵字有涵號蕉麓陽湖人居郡城之南自號菴竹居士又號止菴道人畫善山水墨香謂其婦去塵俗遠宗古法晚年尤極清曠之致至都門館禮親王邸王椒翁稱其天資既高工力亦勝天真平澹壓倒時流其爲名士推重亦至矣 墨香居畫識 墨林今畫

畢 簡字仲白涵次子畫傳家法山水雄厚長于大幅亦善寫意花草嘉慶時客陳曼生幕與叔美七薌子貞小迂同聚桑連理館或合作巨幅商酌下筆又爲頻伽五人合作靈芬館圖長林矮屋若出一手 畊硯田齋筆記 墨林今話

畢 大啓字載積能畫竹 青浦縣志

畢 然字成章常熟人工傳神 虞山畫志

畢 銳爲武弁工山水 揚州畫舫錄

畢 琛字仲愷號小癡常熟人善寫眞人物宗仇英山水清潤有致 畊硯田齋筆記

畢慶曾字如山太倉人工花鳥同上

畢溥字逢原號竹濤鎮洋諸生秋帆尙書從弟工書法深入趙董之室夢樓稱其如簪花美女丰致絕倫畫善蘭竹亦娟秀可愛墨林今話

畢紹棠號也香直隸天津人官浙江藩椽後陞雲南甯州知州山水宗婁東二王渾厚天成無劍拔弩張之態書法亦蒼勁有力同上

畢華珍字子筠太倉人官浙江淳安龍游慈溪等縣知縣錢聚朝秦光第皆出其門能詩詩名早列乾嘉詩壇間寫山水在似能不能間晚歲致仕藉詩畫以自娛著有論衡十三篇談藝環錄

女史

畢昭文新安人幼隨父旅京師能詩善畫仕女花卉并善鼓琴明崇正壬午以才色選入宮明亡出京轉輾至吳地適崑山王開聖爲繼室王歿遂設席課徒著有織楚吟詩集海上墨林

畢慧字智珠號蓮汀畢浣女陳觀光室工詩畫花卉有南田風韻著遠香閣詩草甌鉢羅室書畫過目攷

屈培基字子戴號元安常熟人嘉慶戊午副貢生淹雅能文工隸篆楷法精鐵

筆畫山水竹石無所師承匠心爲之皆合古人矩矱客京師館趙秉冲侍郎家最久其書畫深自矜賞不輕予人凡詩文成稿即自焚絕少流傳卒年六十五墨林今話

屈保鈞字竹田培养基姪官肇慶府通判精鑒賞富收藏偶寫墨蘭翛然出俗具有古韻同上

屈頌滿字子謙號宙甫保鈞子生有夙慧數歲能作擘窠書畫山水花草竹石涉筆即古受業于從祖培养基明經既長工行艸篆隸善鐵筆能吟詠好鼓琴嘉慶丁卯年十六武進趙味辛過虞山美其才作屈生歌貽之後隨父至粵東遍歷山水奇奧用筆益渾成惜年僅二十餘歿人咸深悼之虞山畫志墨林今話

屈 宋長洲人善畫墨蘭歷代畫史彙傳附錄

屈承懋字仲豪常熟人工花卉分枝布葉條暢自如設色穠麗尤長臨撫名噪一時乞畫者恆履滿戶外清朝書畫錄

屈大濩字亦韶常熟人工人物學悔遲老人于古樸中含幽秀氣又善花卉筆極超邁不徒以紛紅駭綠爲能事也談藝環錄

女史

屈秉鈞號宛仙常熟人保鈞女弟趙子梁室習憚冰花卉工設色尤工白描時號閨中李龍眠名播海內求者紛集能詩著韞玉樓集虞山叢志墨林今話

屈萱湘常熟人保鈞女承家學亦工畫墨林今話

闕嵐字文山號晴峯桐城人工山水花鳥人物墨香居畫識

闕鳴珂字繖亭嘉興孝廉後移家新篁里工詩文善花卉嘗館陶梅石綠蕉山館與梅石究論六法墨林今話

葛泳字蓀田能僞作張照畫畫識張照傳

葛師旦字匡周號石村寶山人工山水精篆刻通陰陽地理博學多能詩亦清遠性恬淡非素交不易致也墨香居畫識

葛光字與林上元諸生恬性淡正寫梅蘭亦擅花鳥詩文詞曲皆擅長劍光樓筆記墨香居畫識

葛唐字西槎崑山人工書法善篆刻畫花鳥學南田忘菴兩家筆意疎老設色明艷能手也墨林今話

葛 鏡字藝圃唐子世其業善畫人物及寫真均合古法同上

葛繼常字奕祺號莘海海甯諸生爲無奇先生之後工篆刻善山水性嗜金石見必手自推拓又精堪輿之學同上

葛問源失其名繼常子克承家學亦善山水同上

葛金章字章侯號綬香崑山人家貧好學尤妙于詩蔣寶齡稱其淺而實深澹而彌旨畫善山水得天台侯某傳凡作叢篁孤石疎林茅屋以荒率取致著有香草居稿同上

葛桂丹長洲人善畫殘荷秋色眞率處效陳嘉言歷代畫史彙傳附錄

葛 同字順之慈谿人張熊弟子工山水海上墨林

葛 樽字龍芝海寧人畫山水人物長于工細之筆風致婉麗小品尤佳談蔭

瓊錄

葛 同字存之甯波人畫山水氣韻生動橐筆游禾城乞者紛至未數年卒年僅三十餘同上

笄重光字在辛號江上外史句容人順治壬戌進士官侍御山水得南徐江山氣象書法眉山著有書筏畫筌曲盡精微天啓癸亥生康熙壬申卒年七十